

ԱՊՐԱՆՔԱՅԻՆ ՆՇԱՆ

6 հարցերի կարճ պատասխաններ



1 Ի՞նչ է ապրանքային նշանը եւ ի՞նչ նշանակություն ունի այն:

Ապրանքային նշանը նիշ է, որն օգտագործվում է մեկ անձի ապրանքները և (կամ) ծառայություններն այլ անձի ապրանքներից և (կամ) ծառայություններից տարբերելու համար:



2 Ինչպե՞ս եւ որտե՞ղ դիմել ապրանքային նշան գրանցելու համար:


Ապրանքային նշանի գրանցման համար անհրաժեշտ է գրավոր կամ էլեկտրոնային եղանակով (www.airo.am կայքի միջոցով) հայտ ներկայացնել **ՀՀ Էկոնոմիկայի նախարարության Մտավոր սեփականության գրասենյակ**: Հայտը կարող է ներկայացվել ինչպես անմիջապես հայտատուի, այնպես էլ նրա ներկայացուցչի կողմից:

Ապրանքային նշանի հայտ ներկայացնելուց առաջ խորհուրդ է տրվում ստուգել ապրանքային նշանի համապատասխանությունը Օրենքով սահմանված պահպանության պայմաններին:

3 Ո՞ր նիշերը կարող են գրանցվել որպես ապրանքային նշան:

Որպես ապրանքային նշաններ՝ կարող են գրանցվել **գրաֆիկորեն պատկերման** հնարավորություն ունեցող նիշերը, մասնավորապես՝

- 1) բառերը, բառակապակցությունները, անունները կամ կարգախոսները,
- 2) տառերը կամ թվերը,
- 3) նկարները, պատկերները կամ խորհրդանշանները.
- 4) եռաչափ պատկերները, մասնավորապես ապրանքի կամ դրա փաթեթավորման (տարայի) արտաքին տեսքը,
- 5) հոլոգրամները, գույները, գույների համակցությունները կամ կոմպոզիցիաները.
- 6) ձայնային ազդանշանները,
- 7) վերոնշյալ կետերի յուրաքանչյուր համակցություն:



4 Ո՞ր դեպքերում է ապրանքային նշանի գրանցումը մերժվում:

Հայաստանի Հանրապետության «Ապրանքային նշանների մասին» օրենքի համաձայն՝ ապրանքային նշանի գրանցման մերժման հիմքերը բաժանվում են բացարձակ և հարաբերական հիմքերի:

Բացարձակ հիմքերից է՝

- տարբերակիչ հատկություն չունենալը,
- միմիայն նկարագրող կամ բնութագրող տվյալներից բաղկացած լինելը,
- բացառապես ընդհանրացված կամ առևտրային ոլորտում տարածված բառերից բաղկացած նշաններ պարունակելը,
- Պետական խորհրդանիշների կամ պաշտոնական անվանումների օգտագործումը առանց թույլտվության,
- նմանությունը ավելի վաղ նշանի հետ,
- վնասումը կամ չարաշահումը,
- պատկերների օգտագործումը:

Հարաբերական հիմքերից է՝

- Նույնականություն կամ շփոթության աստիճան նմանություն ավելի վաղ նշանի հետ,
- Բարի համբավ ունեցող նշանի վնասում կամ չարաշահում,
- Հայտնի անձանց անունների, ազգանունների կամ պատկերների օգտագործում:

5 Ի՞նչ ժամկետում է գործում ապրանքային նշանի գրանցումը:

Ապրանքային նշանի գրանցման գործողության ժամկետը **10 տարի** է՝ հայտի ներկայացման թվականից հաշված, որը կարող է երկարաձգվել յուրաքանչյուր անգամ **10 տարի** ժամկետով՝ առանց սահմանափակման:



6 Ի՞նչ է պաշտպանում գրանցված ապրանքային նշանը:

Ապրանքային նշանի իրավական պահպանությունը տարածվում է այն ապրանքների և (կամ) ծառայությունների վրա, **որոնց համար գրանցվել է ապրանքային նշանը**:

